

靈寶領教濟度金書卷之一百二十七

洞微高士闡光救苦真人尊全真授

靈寶通玄弘教水南先生林靈真編

科儀立成品度星齋用

官將幕三獻儀

洒淨

稱法位

具位姓某謹焚香上啓

上清紫庭院斷注陳將軍斷尸葛將軍九天

甘露將補炁將護命將三十二員大將守護

銅牛鐵簡官將吏兵本靖主將副將護道監

壇諸大將日直功曹當境土地里域真官齋

主家土地司命六神一切威靈伏以臨下昭

昭仰神功之羅絡受中翼翼本祖炁之恢張

自混沌日鑒於天機故鴻濛濛風滿於地網民

情欲壽多罹黑鬱之辜帝心同仁遂設紫庭

之局布慈雲而開生塞死鼓法雨而反陰旋

陽爲苦海之舟航作迷塗之燈火今齋主某

伏爲某期微純潔爲解復連金馬朝馳已進

朱函之禱王龍夕迅諫飛丹簡之嚴申飭威

靈丙宣德惠茲恪陳於非禮庸少致於葵忱

伏望旌戟前驅翻翻來下旂旄後從赫奕齊

臨鑒萬一之真忱副再三之精禱某不勝虔

祝之至謹當奉請

請神

初獻

伏以紫極恩隆布德曲周於綱紀玄曹望峻

宣仁弘贊於權衡洪惟聰明睿知之崇誕著

文武聖神之妙玉清輔化肅劍佩而振蕩乾

坤金闕承符擁旄麾而動搖山嶽秋殺雷轟

於陰魅春生日耀於陽靈寅亮天工裁成帝

政今齋主某建某齋業輪展轉有注訟之微

呼愛網交周或考殃之流逮三彭遨遊而伺

釁二暨陸梁以乘危害結家庭禍連烟黨培

銅牛而標鐵簡恭按瓊科奔金馬而進琅函

欣承玉敕期闕宣於威令庸斷絕於復連將

欲行持先伸召役僭寓粟絲之敬惠微海岱

之恩伏願俯鑒樽彝曲飲邊豆馨符明德莫

殫庸敬之神交享契克誠庶罄協恭而炁合

儀不及物情見乎辭某不勝虔祝之至謹陳

亞獻

亞獻

伏以函三疑粹最靈標處一之奇得一分靈

爲貴表五二之妙出青入玄啓天關而御景

迴黃抱紫開地域以離塵生滅本無去來何

有奈六賊搶攘於神舍致五官溷溺於靈臺

遽操入室之戈貪欲恣性執執破關之斧恩

愛謀生忍四大之各離驚九泉之莫返不思

解脫惟極沉迷是以碧落流慈紫虛垂憫敷

度星之玉典弘滅罪之瓊科俾已往飛霄獲

逍遙而離夜庶見存冥景俱安樂以秉晨今

齋主某上叩蒼穹下敷玄澤願威靈之密贊

期神聖之潛扶稽首清微遵虛无自然元專

之教傾心紫禁乘節度奎光大帝之威靈光

混合於華燈正炁貫通於彩縷王符保命和

陰陽而崇衛安康金簡藏形扶輪枝而精神

奉定六通七隱於華蓋千和萬合於泥丸凡

斯精微豈依甄別所冀疰氣辟斤納庭戶之

祥光故炁消除來門闌之瑞色毫倪均享於

安樂尊卑咸底於康榮分人鬼以斷復連別

幽明而截流速倘違霄律徑送鄴刑庶彰有造之仁永被無爲之化拳拳心禱切切神休其不勝虔祝之至恭陳終獻

終獻

以今玉醴三周瓊章四奏既蟻忱之畢露諒鴻渥之克孚願駐檐帷暫留幕帝候宣行於妙化潛扶翊於玄功帝有恩言已拜降祥之賜神無曠職當昭還賞之常其不勝虔祝之至

向來頌

關祝神燈儀

步虛

洒淨

伏以煙凝華蓋金篝飛蘭篆之花霧藹霄虛玉鼎舞芝煤之彩丹誠鬱勃玄呪羅敷先炷寶香供養

太上无極大道三清上聖十極高真東方蒼龍角亢氐房心尾箕七宿星君南方朱雀井鬼柳星張翼軫七宿星君西方白虎奎婁胃昂畢楷參七宿星君北方玄武斗牛女虛危

室壁七宿星君中斗勾陳魁魁魁魁魁魁七宿星君仗此寶香普同供養伏聞百千萬重道忝彌羅於八陞三十五分靈光洞煥於九垓周黃道以幹神機拱紫垣而孚靈澤函三臨下既昭命帝以凝精得一受中斯保生根而孕粹自天和之流湯致人偶之奔馳不思養忝御神始繫七星之妙合遂使離真喪本終隨六賊之玄迷陰夜修淪陽神斯洋心縈骨肉流殃注以無終惟戀姻親致復連而莫已故上聖示紫庭之典令下愚遵玉匱之條矜往憐存爲降天元之正忝濟今度古俾除地禁之游氛凡有微吁永行斷絕今齋主某勤奉請命激切投誠迺列宿以亮超望中樞而虎拜燈然寶燭依飾梵唱之飛揚罪滅金科彷彿羽章之激響恭願災凶退舍福祿臨門長幼咸寧襲祥光之動靜專卑泰定遏故忝於起居行百世以蕃昌合九親而輯睦先亡超邁後裔綿延稽首皈依无極大道

福生无量天尊

臣等志心皈命蒼龍東井角亢氐房心尾

箕七宿星君星中神仙和諸靈官伏聞蒼龍垂象流靈忝於肝魂碧落疑芒嘯神津於皮瓜惟六鑿奮搶攘之變故百關虧恬淡之常凋瘁斯彰復連啟今有齋主某建某齋斷絕復連超升往逝故遵玉範肅建燈壇皈命

燈壇皈命

東方角亢氐房心尾箕七宿星君伏願在忝風清考殊雲散神扶步武四時開壽域之春天賦精神五世衍福庭之旦宗親宴喜春序和平稽首皈依虔誠讚詠

信禮高上太虛天東方七宿星君

焚符

角亢氐房心連尾箕位司震域職贊坤輿領兵九萬隊仗前驅流殃注毒古埋伏尸星光所指立即勒除臣今皈命願降神威和斷絕復連

福生無量天尊

臣等志心皈命朱雀南斗井鬼柳星張翼軫七宿星君星中神仙和諸靈官伏聞朱雀垂象流正忝於心精丹謁疑華嘯

神津於毛髮惟三業逞紛紜之擾故七官迷
真粹之和顛頓既彰復連攸萃今有齋主某
建其齋斷絕復連超升往逝故遵玉範肅建
燈壇皈命

南方井鬼柳星張翼軫七宿星君伏願流連
無虛微呼克絕天開地闢常疑和氣於門庭
日居月諸永於憂氣於春序四魔煙滅萬劫
雲霧稽首皈依虔誠讚詠

信禮高上太虛天南方七宿星君

焚符

井鬼柳星張翼軫星垂象離方太陽之精
領兵三萬受任玉清微呼冢訟過人年齡
光輝下照隨即摧傾臣今皈命斷絕復連
和願保康寧

福生無量天尊

臣等志心皈命白虎西斗奎婁胃昂畢嘴
參七宿星君星中神仙和諸靈官

伏聞白虎垂象流靈氣於音聲素霧凝華嘯
神津於肺魄惟六欲恣飄流之苦故五官荒
保御之奇沈迷斯彰復連攸啓今有齋主某

建其齋斷絕復連超升往逝故遵玉範肅建
燈壇皈命

西方奎婁胃昂畢嘴參七宿星君伏願毒根
疾除注芽隨萎雲籠宗威簾籠融樂事之多
日永姻親庭院茂懽聲之洽常居吉慶永珍
凶災稽首皈依虔誠讚詠

信禮高上太虛天西方七宿星君

焚符

奎婁胃昂畢嘴參流輝照西萬神所欽
領兵七萬佐助天心伏尸故烝病鬼杖淫
星光所指何敢克當臣今皈命享福何窮
和願保康寧

福生無量天尊

臣等志心皈命玄武北斗斗牛女虛危室
壁七宿星君星中神仙和諸靈官

伏聞玄武垂象流正炁於腎精黑霧凝華嘯
靈津於齒骨惟八識恣奔馳之擾致六淫亂
清淨之源殄殄斯彰復連攸染今有齋主某
建其齋斷絕復連超升往逝故遵玉範肅建
燈壇皈命

北方斗牛女虛危室壁七宿星君伏願考遠
不生注殃无染一員呈露門庭曉拂於光風
萬妄消澄春序秋迎於霽月松蘿同慶桑梓
均懽稽首皈依虔誠讚詠

信禮高上太虛天北方七宿星君

焚符

斗牛女虛危宿室壁位列坎方贊司神極
五億萬丘飛戈飄戟故烝流殃承光永釋
律今所加罔有拒逆臣今皈命願降神力
和願保康寧

福生無量天尊

臣等志心皈命勾陳中斗魁魁魁魁魁
魁七宿星君星中神仙和諸靈官

伏聞勾陳垂象流靈炁於股經黃霧凝華嘯
神津於脾胃惟五蘊縱纏縈之害故百骸失
澄湛之玄冥晦斯彰復連攸連今有齋主某
建其齋斷絕復連超升往逝故遵玉範肅建
燈壇皈命
中央魁魁魁魁魁魁七宿星君伏願絕遠
沉凶除殃斷注行住坐卧永居夏屋以渠渠

出入起居常陟春臺而侃侃姻親冥樂院宇
澄寧稽首皈依虔誠讚詠

信禮高上太虛天中央七宿星君

焚符

魁魁魁魁魁魁魁星位司中極部領天兵
一十二萬隊仗紛紜復連故炁流注家門
星光所指永滅無存臣今皈命願保長生
和斷絕復連

福生無量天尊

誦大聖北斗七元君能解復連厄十四

九

行持

伏以七星介祉降炁悉於五方五斗扶衰襲
華芒於七舍離玉緯之升沉臺籙皆金經之
隱見網維稟精悉以流形既資變化保冲和
而固命宜藉生成况正炁煥爛於朝陽而邪
炁零灑於曉露依科辟斤如律告行仰憑神
運之靈敢忘聖恩之謝臣向來奉為某宣行
秘訣關祝神燈請降星真斷除注違荷垂鑒
映克獲圓成中垣輝斤絕之威九光下照外

舍奮驅除之武萬象旁臨伏願齋主某親履
相權淳熙自樂庭戶斤陰陽之冠起處優游
宗親逃經緯之虞公私迪泰克臻家慶永際
昌和為如上緣志心稱念

福生無量天尊

五方懺儀

入壇如式

東方

臣等今故燒香皈身皈神皈命

東方九炁天君青龍東井角亢辰房心尾箕

七宿星君懺悔亡故某稟命以來賦形之後

五靈降炁七星哺津不能貴炁養神尊生保

命流吹愆海飄浪愛河三業六情顛冥忘返

致使愆書黑簿過紀玄曹不盡天年遽罹地

禁冥冥長夜解脫無期因今燒香修齋轉經

行道伏願青帝九炁天君斗中眾聖上告三

天三十六曹典戶長侯監生舍人左右司命

依女青詔書敕下東方風雷之獄泰山考對

之府拔度亡故某洗濯魂儀赦除愆對不經

幽暗長處光明衣食自然形神俱妙復連斷

絕考注消平利佑見存常蒙貞吉得道之後
升入無形和與道合真

南方

臣等今故燒香皈身皈神皈命

南方三炁天君朱雀南斗井鬼柳星張翼軫

七宿星君懺悔亡故某稟命以來賦形之後

五靈降炁七星哺津不能貴炁養神尊生保

命流吹愆海飄浪愛河三業六情顛冥忘返

致使愆書黑簿過紀玄曹不盡天年遽罹地

禁冥冥長夜解脫無期因今燒香修齋轉經

行道伏願赤帝三炁天君斗中眾聖上告三

天三十六曹典戶長侯監生舍人左右司部

依女青詔書敕下南方火醫之獄衡山考對

之府拔度亡故某洗濯魂儀赦除愆對不經

幽暗長處光明衣食自然形神俱妙復連斷

絕考注消平利佑見存常蒙貞吉得道之後

升入無形和與道合真

西方

臣等今故燒香皈身皈神皈命

西方七炁天君白虎西斗奎婁胃昂畢楷參

七宿星君懺悔亡故某稟命以來賦形之後
五靈降炁七星哺津不能貴炁養神專生保
命流吹愆海飄浪愛河三業六情顛冥忘返
致使愆書黑簿過紀玄曹不盡天年遽罹地
禁冥冥長夜解脫無期因今燒香修齋轉經
行道伏願白帝七炁天君斗中眾聖上告三
天三十六曹典戶長侯監生舍人左右司命
依女青詔書敕下西方金剛之獄華山考對
之府拔度亡故某洗濯魂儀赦除愆對不經
幽暗長處光明衣食自然形神俱妙復連斷
絕考注消平利佑見存常蒙貞吉得道之後
升入無形和與道合真

北方

臣等今故燒香皈身皈神皈命
北方五炁天君玄武北斗斗牛女虛危室壁
七宿星君懺悔亡故某稟命以來受形之後
五靈降炁七星哺津不能貴炁養神專生保
命流吹愆海飄浪愛河三業六情顛冥忘返
致使愆書黑簿過紀玄曹不盡天年遽罹地
禁冥冥長夜解脫無期因今燒香修齋轉經

行道伏願黑帝五炁天君斗中眾聖上告三
天三十六曹典戶長侯監生舍人左右司命
依女青詔書敕下北方溟冷之獄恒山考對
之府拔度亡故某洗濯魂儀赦除愆對不經
幽暗長處光明衣食自然形神俱妙復連斷
絕考注消平利佑見存常蒙貞吉得道之後
升入無形和與道合真

中央

臣等今故燒香皈身皈神皈命
中央一十二炁天君勾陳中斗魁魁魁魁魁
魁魁七宿星君懺悔亡故某稟命以來賦形
之後五靈降炁七星哺津不能貴炁養神專
生保命流吹愆海飄浪愛河三業六情顛
冥忘返致使愆書黑簿過紀玄曹不盡天年
遽罹地禁冥冥長夜解脫無期因今燒香修
齋轉經行道伏願黃帝一十二炁天君斗中
眾聖上告三天三十六曹典戶長侯監生舍
人左右司命依女青詔書敕下中央四維九
幽之獄嵩山考對之府拔度亡故某洗濯魂
儀赦除罪對不經幽暗長處光明衣食自然

形神俱妙復連斷絕考注消平利佑見存常
蒙貞吉得道之後升入無形和與道合真
舉法事

靈寶領教濟度金書卷之一百二十七